

समै – 12:25 hrs.

<><><><><><>

LG- Lit Festival

उपराज्यपाल मनोज सिन्हा होरें भारत डायलाग्स आसेआ आयोजित गाजीपुर साहित्य महोत्सव च मुख्ख भाषण दिता। भारत ते विदेशें च रवा करदे लखारियें, बचारकें ते विद्वानें गी संबोधित करदे होई श्री सिन्हा होरें समाजी एकता गी मजबूत करने आस्तै बरोबरी, न्यास ते आपसी भाईचारे गी बढ़ावा देने च उंदी महत्वै आहली भूमिका पर बल दिता। तरक्की गी रफ्तार देने च साहित्य दी ताकत पर लौह पांदे होई उनें आखेआ जे समाज गी ज्ञान ते आलोचनात्मक सोच रायं आले इक बगदे दरेआ आहला लेखा गतिशील रहना लोड़चदा। एल.जी होरें नागरिकें गी ज्ञान गी सांभियै रखने, नमियें काहडें गी बढ़ावा देने, नौजवानें गी बाइखितयार बनाने ते 'एक भारत श्रेष्ठ भारत' दी भावना गी बढ़ावा देने सने 10 संकल्पें पर ध्यान देने दी अपील कीती।

<><><><><><>

Anti Terror Ops

जम्मू-कश्मीर पुलसै रामबन ते डोडा जिलें सने समूलचे जम्मू संभाग दे बक्ख-बक्ख इलाकें च आतंकवादियें ते उन्दे समर्थकें खलाफ अपनी कार्रवाई गी होर तेज करी दिता ऐ। रामबन पुलस नै इक सोशल मीडिया पोस्ट च इस बारे जानकारी दिंदे होई आखेआ जे इलाके च आतंकवादी गतिविधियें गी रोकने दे मकसद कन्नै ओवर ग्राउंड वर्करें आस्तै घेराबंदी ते तपाशी अभियान

चलाए जा करदे न। एह अभियान उने आतंकवादिये ते उन्दे सहयोगिये खलाफ चलाए जा करदे न, जेहड़े पाकिस्तान च बैठे दे हुकमराने दे भैड़े मंसूबे गी पूरा करने लेई इत्थे आतंकवादी गतिविधिये गी अंजाम देने दी कोशिश करा करदे न। इस्से चाल्ली डोडा पुलस नै बी ओवर ग्राउंड वर्करे ते आतंकवाद सहयोगी संगठने खलाफ बड़्डे पैमाने पर अभियान शुरू कीते दा ऐ तां जे खिते थमां नेटवर्क गी पूरी चाल्ली खत्म कीता जाई सकै। कई थाहें पर तपाश जारी ऐ ते होर ब्यौरे बी अजे बलगेआ जा करदा ऐ।

<><><><><><>

SIA-Narco

राज्य जांच एजेंसी एस.आई.ए जम्मू-कश्मीर नै मुम्बई ब्हाई अड्डे थमां नशीले पदार्थे कन्ने सरबन्धत आतंकवाद माइयूल दे सरगना दी गिरफ्तारी कन्ने इक बड़्डी कामयाबी हासल कीती ऐ। इक सोशल मीडिया पोस्ट च एस.आई.ए नै दस्सेआ जे पुंछ हवेली तहसील दे देगवार-तेरवान ग्रांठ दा बसनीक मोहम्मद अरशद दर्ज आसिफ जेड़ा 2023 थमां फरार ते साउदी अरब थमां अपनी गतिविधियां चला करदा हा, उसी हिरासतै च लैता गेआ ऐ। ओह नार्को टैरर माइयूल दा सरगना ते पाकिस्तान स्थित नशीले पदार्थे दा कारोबार करने आहले ते जम्मू-कश्मीर च नार्को टैरर गुर्गे बशकार इक मुकख कड़ी हा। एहदे शा पैहले ओहदे खलाफ इक्क लुक आउट सर्कुलर ते गैर जमानती वारंट जारी कीते गेदे हे। औहदी गिरफ्तारा नशीले पदार्थे कन्ने सरबन्धत आतंकवाद खलाफ एस.आई.ए दी बड़्डी कामयाबी ऐ।

<><><><><><>

Dy. CM 4th Bridge

उपमुखमंत्री सुरेंद्र चौधरी होरें भगवती नगर स्थित चौथे तवी पुल दा कल रातीं दौरा लाइयै उत्थै चलाक रदे कम्मै दा जायजा लैता। दौरे दरान उनें कम्मै दी रफ्तार पर चैता प्रगट कीती। उपमुखमंत्री होरें अफसरें गी निर्देश जारी करदे होई आखेआ जे ओह कम्मै दी रफ्तार गी बदान तां जे परियोजनां गी तय समें-सीमा ते अंदर-अंदर तोड़ चाढ़ेआ जाई सकै। उनें कम्मै च म्यार ते सुरक्षा मानकें पर टकोहदा ध्यान देने लेई आखेआ। इस बरै अगसत महीने आए दे हाई मगरा इलाके दे मुख राबिता मार्ग चौथे पुल गी पुज्जे दे नुकसान दी मरम्मत कीती जा करदी ऐ।

<><><><><><>

By-Polls

नगरोटा ते बडगाम असैम्बली हलकें लेई होने आहले उप-चुनांs लेई हुन छड़े द'उं गै दिन बाकी रेई गे न। इ'नें सीटें लेई चुनांs प्रचार अज्ज मुक्की जाहग। चुनां आयोग दे दिशा-निर्देशें मूजब, तय समें दे बाद इ'नें दौनें असैम्बली हलकें च कुसै किस्मै दे चुनांs प्रचार दी खुल्ल नेई दिती जाहग। इस गैह दा मकसद नगरोटा ते बडगाम हलकें च होने आहले उप-चुनाएं गी बवस्थित ते पारदर्शी ढंग्गै कन्नै करोआना जकीनी बनाना ऐ। केइएं हफ्तें दी सियासी गतिविधिएं दे बाद, राजनीतिक दल हुन अपना पूरा ध्यान औंदी 11 नवम्बर गी होने आहले मतदान बक्खी केन्द्रित करडन। वोटें दी गिनतरी 14 नवम्बर गी कीती जाहग।

<><><><><><>

BSF-Marathon

अज्ज बड्डलै सरहदी मुख्यालय बीएसएफ जम्मू आसेआ आयोजित पैहली बीएसएफ मैराथन-2025 गी सीमा सुरक्षा बल दे महानिदेशक दलजीत सिंह चौधरी होरें पलौड़ा स्थित बीएसएफ परिसर थमां हरि झंडी दस्सियै रवाना कीता। मैराथन च चार वर्ग- 42 किलोमीटर, 21 किलोमीटर, 10 किलोमीटर ते 5 किलोमीटर दियां द्रौड़ां रक्खी गेदियां हियां जिंदे च जम्मू दे सरहदी इलाकें, गोआंडी राज्यें ते समूलचे भारत दे बक्ख-बक्ख हिस्सें थमां आए दे प्रतिभागियें हिस्सा लैता। मीडिया गी संबोधित करदे होई बीएसएफ दे महानिदेशक दलजीत सिंह चौधरी होरें आखेआ जे इस मैराथन दा मुख्य मकसद तंदरूस्ती दी भावना गी बदाना ते नशामुक्त राष्ट्र बनाना ऐ।

<><><><><><>

Lavender-Cultivation

खूबसूरती गी नखारने ते खुशबू कन्नै सरबंधत सैलसफा गी बदाने दे मकसद कन्नै भारती राष्ट्री राजमार्ग प्राधिकरण NHAI नै बनिहाल ते काजीगुंड बश्कार जम्मू-श्रीनगर राष्ट्री जरनैली शिड़क दे 16 किलोमीटर लम्में हिस्से पर लैवेंडर दी खेती रम्भ कीती ऐ। NHAI दे परियोजना निदेशक शुभम यादव होरें दस्सेआ जे इस पहल दा मकसद चौपासम मताबक थाहें गी खूबसूरत बनाने दे कन्नो-कन्नी कम्म रोजगार दे मौके उपलब्ध करोआना बी ऐ। उनें दस्सेआ जे राष्ट्री जरनैली शिड़कें दे आहले-दोआले लैवेंडर दी खेती कन्नै ना शड़ा खूबसूरती ते खुशबू कन्नै सरबंधत सैलसफा गी बढ़ावा थहोग, सगुआं मकामी करसानें गी बी लाह पुज्जोग।

